

CosComm UPM lawat *Kosmo!* jalin kerjasama

LAWATAN MUHIBBAH. Seramai lapan wakil dari Pejabat Strategi Korporat dan Komunikasi (CoSComm), Universiti Putra Malaysia (UPM) telah mengadakan lawatan ke Jabatan Pengarang *Kosmo!* di Ibu Pejabat Utusan Melayu (Malaysia) Berhad, Jalan Chan Sow Lin, Kuala Lumpur semalam.

Pengarahnya, Prof. Dr. Azmawani Abd. Rahman berkata, lawatan tersebut bertujuan untuk memberi tanda sokongan kepada akhbar *Kosmo!* untuk meneruskan penerbitannya.

"Kita mahu bertukar pandangan dan berkongsi kepakaran. Kita faham apa kehendak media, jadi kita akan berikan

sumber-sumber yang berkepakaran. Kami akan sentiasa memberi kerjasama kepada pihak *Kosmo!* dari semasa ke semasa.

"Selain membeli iklan dan rencana iklan (*advertorial*) di dalam *Kosmo!*, kami juga akan terus menawarkan peluang kepada wartawan akhbar ini untuk membuat liputan secara eksklusif agar para pembaca memperoleh bahan bacaan yang lebih terkini dan menyeluruh tentang sesuatu perkara," jelasnya.

PENGARANG *Kosmo!*, Lokman Othman (lima dari kiri) bergambar bersama delegasi dari CosComm UPM diketuai Azmawani (kiri) di pejabat *Kosmo!* semalam.

